

百宋樓藏書志

明宋樓藏書志卷二十一

存齋雜纂之六

歸安陸心源剛甫編

史部

編年類二

建炎以來繫年要錄一百卷

文淵閣傳抄本

宋李心傳撰

宣取高宗皇帝繫年要錄旨揮

正奉大夫守吏部尚書兼修國史兼寔錄院兼
太子詹事曾曠中奉大夫試尚書吏部侍郎兼
同修國史兼寔錄院同修撰兼太子右庶子汪

選朝請大夫試太子詹事兼同修國史兼寔錄
院同修撰兼秘書監戴溪朝請大夫權尚書禮
部侍郎兼同修國史兼寔錄院同修撰兼太子
左諭德兼權中書舍人曾從龍朝散大夫新除
軍器監國史院編修官兼寔錄院檢討官兼禮
部郎官黃景說朝奉郎守起居郎兼國史院編
修官兼寔錄院檢討官兼侍講充賀金國生辰
國信使黃中朝請大夫新除起居舍人兼國史
院編修官兼寔錄院檢討官兼權中書舍人李
揆朝請郎尚書吏部員外郎兼國史院編修官

兼寔錄院檢討官錢文子奉議郎守軍器少監
兼國史院編修官兼寔錄院檢討官兼國子司
業陳武文林郎祕書省正字兼國史院編修官
兼寔錄院檢討官兼莊文府教授陳貴謙劄子
噉等竊見太常博士李道傳之兄心傳褒次高
宗皇帝一朝長編已繕寫成淨本未敢自擅投
進欲乞朝廷特賜敕奏令道傳繳進仍乞降付
國史院以備參照編修正史伏候指揮嘉定三
年九月二十八日奉旨依
付出高宗皇帝繫年要錄指揮

百五十五卷
朝請郎顯謨閣待制新潼川路安撫使知瀘州
臣許奕狀奏臣竊惟士有懷才抱藝遠莫能自
致者方清明之世顧使之終老無聞焉臣寔惜
之臣伏見隆州鄉貢進士李心傳博通羣書尤
熟本朝故事嘗謂中興以來明君良臣豐功盛
烈雖已見之寔錄等書而南渡之初一時私家
記錄往往傳聞失寔私意亂真垂之方來何所
考信於是纂輯科條編年紀載專以日厯會要
爲本然後網羅天下放失舊聞可信者取之可
削者辨之可疑者缺之集眾說之長酌繁簡之

中久而成編名曰建炎以來繫年要錄故兵部
尙書楊輔前年蒙命召嘗取其所錄高宗皇帝
一朝凡一百卷繕寫成五十冊欲以進上會中
道改除不果臣頃蒙兼修玉牒求得此書觀其
所立凡例類多暗合綱目詳備詞義嚴整足以
備史官采擇兼心傳志行高潔久棄場屋該免
舉不復就非近來上書進策僥覲賞典之比寔
無一毫希望意臣謹昧死繳進伏乞睿慈賜以
乙夜之覽仍宣付史館豈惟心傳半生辛勤專
一之功不遂泯沒其於一朝大典寔非小補所

有上件高宗皇帝繫年要錄五十冊謹隨狀上
進以聞干冒天威臣無任震越惶懼之至謹錄
奏聞伏候敕旨奉議郎太常博士臣李道傳狀
奏准尙書省劄子吏部尙書兼修國史寔錄院
修撰曾嘏等劄子竊見道傳之兄心傳褒次高
宗皇帝一朝長編已繕寫成淨本乞賜敷奏令
道傳繳進仍乞降國史院以備參照編修正史
奉聖旨依臣今遵依聖旨指揮所有上件高宗
皇帝一朝編年之書名繫年要錄計一百卷修
寫成五十冊隨狀上進干冒天威臣下情無任

惶懼震越之至謹錄奏聞伏候勅旨貼黃臣照
得新知瀘州許奕已曾繳奏上件繫年要錄伏
乞睿照嘉定五年五月日奉聖旨降付國史院
朝省坐國史院劄子行下隆州取索孝宗光宗
繫年要錄指揮

臣竊惟國家典章莫重史冊唐宋敬則初成稿
史見者推爲董狐然敬則方請別求名才以重
史選張說就家修史李元紘謂史事祕嚴請今
以書就館參會撰錄然則史職至重名才難逢
館閣纂修事存國體以敬則有董狐之稱而猶

以求才爲請則不逮敬則者蓋亦推賢而遂能以張說居通顯之極而元紘必欲其就館纂修則匹夫之有志於斯者宜使翰能而求獻臣以諫聞幸逢盛時偶被采葑與聞汗簡伏惟近旨重修孝宗皇帝光宗皇帝寔錄疊矩重規鉅迹盛美如日月之照明而莫窺其經緯如海岳之涵負而莫究其高深雖聖世多才宰司遴選人劇班馬家效沈吳其閉如匣寔爲濫叨欲效遜能之義少輸報國之忠竊見隆州進士李心傳刻志前聞究心史學嘗著高宗繫年要錄見謂

該詳繼聞討探阜陵典章亦有端緒累朝聞見
會粹寔多苦心忘疲厯歲滋久若蒙聖朝兼收
博採特下本州取其續成之書以備考訂誠網
羅放失之意或令身自齋令來獻闕下俾諸史
官參會撰錄恐於兩朝大典必有裨補用敢僞
言冒干聰聽苦心傳農馬之智得略要於明時
則微臣鵠特之羞亦少逃於訕議干犯天威臣
無任惶懼隕越之至取進止准批送禮部行下
隆州取索李心傳上件要錄繳申尙書省

國史院遵奉聖旨指揮下轉運司抄錄孝宗皇

帝光宗皇帝纂年要錄公牒

國史寔錄院牒成都府路轉運勘會本院恭奉
旨指揮改修三朝正史孝宗皇帝光宗皇帝御
集光宗皇帝寶訓并改修孝宗皇帝寔錄并合
要文武臣僚內侍士庶之家及僧道等處應被
受或收藏聖語聖訓御製御筆手詔注解經義
詩頌題跋雜文等照使內行在從本院取索抄
錄其臨安府諸州軍欲乞令諸路轉運司嚴切
遍下所管州軍縣鎮等處搜訪如有被受之家
及借本抄錄委官點對無差漏申繳赴縣不得

因而騷擾仍出賞募人投獻如稍多者乞從木
院保明優典推賞今來所修正史御集寶訓稟
錄事體至重全藉搜訪移文於內外官司取索
但於合用文字參照攢類其所承官司視爲文
具不卽依應是致難以辦集候指揮七月二十
八日奉聖旨並依劄付院當院今訪聞隆州井
研縣李宗簿宅卿貢進士李心傳住所述續孝
宗皇帝朝繫年要錄請貴司移文行下隆州疾
速齎紙札差人前去李宗簿宅抄錄委官點對
無差漏裝背成冊申發赴院以憑參修照用若

或續曾編類到光宗皇帝朝繫年要錄一就抄錄赴院照用勿得違滯須至公文牒候到請遵從今降聖旨指揮疾速移文行下抄錄前項所要文字裝背成冊申發赴院守等參照使用幸勿違滯仍先希依應公回示謹牒嘉定十六年九月 日牒朝請大夫起居舍人兼國史院編修官兼寔錄院檢討官吳 中奉大夫行起居郎兼國子司業兼國史院編修官寔錄院檢討官喬 朝請郎試祕書少監權直學士院兼國史院編修官兼寔錄院檢討官徐 朝散大

夫守太常少卿兼國史院編修官兼寔錄院檢討官魏 朝奉大夫權尙書工部侍郎兼國子祭酒兼國史院編修官兼寔錄院檢討官葛

中大夫權尙書刑部侍郎兼同修國史兼寔錄院同修撰朱 朝請大夫權尙書兵部侍郎兼

侍講兼同修國史兼寔錄院同修撰杜 中奉

大夫權尙書吏部侍郎兼權中書舍人兼同修

國史寔錄院同修撰程 大中大夫守尙書禮

部侍郎兼中書舍人兼同修國史兼寔錄院同

修撰□

皇宋十朝綱要二十五卷 影抄宋本

宋眉山李直編

張金吾藏書志曰直李燾子也是書編年紀事有綱無目非大事則畧而不書故曰綱要然所載事迹閒有出長編中興小紀繫年要錄等書外者亦足以資參考始太祖訖高宗凡十朝每朝之前冠以改元凡幾皇后皇子公主幾人宰相參知政事等官暨進士題名以及廢置州府而以誕節神御殿名終焉文淵閣書目焦氏經籍志俱著錄皇朝編年備要引用書目亦載之近

則久無傳本此本從浙西藏書家宋刻本傳錄者
王應麟曰李直撰十朝綱要 玉海四十九

皇朝編年備要二十五卷補刊編年備要五卷

宋刊抄補

本 袁壽階舊藏

宋 壺山陳均編

皇朝國史諸書勒琬炎揭日月國將與三五載
籍相爲無窮均衡茅下士蓋嘗拜手稽首歛衽
肅容竊觀皇綱帝範巨麗之萬一邈若層霄茫
乎漲海有非盤管所能窺測況以均之資稟魯
鈍不能強志輯成此書深以詮次失倫而有所

乖刺是懼私質諸友朋或有誦均者曰子志良苦力良勞其如犯三不韙何以私家而褒國史以偏見而折衷諸書則僭冊書重大未易編摩而以數十萬言該之則疎諸書雜出寧免抵牾去取之間一或失當則外均敬應之曰國朝信史與夫名公鉅儒所纂諸書並行於世家傳人誦今所輯者特欲便繙繹備遺忘固非敢求與之並行而偕傳也奚其僭倚撫所及博參諸書文雖少損於舊事則不增於前諸書固自若也雖無此書誰無此書奚其疎或要其終或以附

見或以類從舉宏撮要主於事實而不敢必以
日月爲斷亦信其可信闕其可疑云爾如欲質
其疑求其詳則有太史氏及諸書在旣以對或
人因併書于下方前太學生莆田陳均拜手稽
首謹識

莆田陳君均以其所輯皇朝編年舉要與備考
之書合若干卷踵門而告曰均之幼也侍從祖
丞相正獻公獲觀國朝史錄諸書及眉山李氏
續通鑑長編意酷嗜之獨患篇帙之繁未易識
其本末則欲刪煩撮要爲一書以便省閱時方

從事舉子業未之能也晚滯場屋決意退藏林
壑間有以出入當世名流之門得盡見先儒所
纂次若司馬文正公之稽古錄侍郎徐公度之
國紀以及九朝通畧等書亡慮十數家博考而
互訂之於是輯成此書大綱本李氏而其異同
詳畧之際則或參以它書昔嘗讀朱文公通鑑
綱目歎其義例之精密蓋所謂綱者春秋書事
之法也而所謂目者左氏備言之體也自司馬
公目錄舉要之作至是始集大成觀者亡復遺
憾均竊不自揆輒放而依之然文公所述前代

之史故其書法或寓褒貶於其閒均今所書則
惟據事實錄而已不敢盡同文公之法也願一
言以述之何如德秀讀其書彌月始盡卷則喟
然曰美哉書乎聖祖聖孫之功德元臣故老之
事業赫赫乎鏗鏘乎備於此矣然綜其要而求
之則自藝祖以來凡所以祈天永命垂萬世無
疆之休者大抵弗越數端蓋其以仁立國而不
雜五伯權利之謀以儒立教而不溯百家邪說
之說求治寧悠緩而不爲一朝迫切之計用人
宜樸鈍而不取小夫輕銳之才嘉祐治平以前

廊廟之訐謏縉紳之譎建相與謀衛扶植如恐失之此其所以大治也自熙寧輔臣出新意改舊法高談古始陰祖堯商而國脉病矣名爲尊經實尙空寂而學術乖矣謂參苓者木不急於起疾而一切雜進者皆決腸破胃之藥根本安得而弗傷謂鼎鼐琮璧不足以適用而錯然前陳者皆奇詭淫靡之具風俗安得而弗壞章呂鼓其波二蔡熾其餽更倡遞述至于黼黻極矣此其所以致亂也凡百有六十七年之行事可喜可慕可歎可愕者一攬而盡得之眞我宋千

萬年之龜鑑也吁是豈獨學者所當熟復哉敝
明在御垂精典訓有高宗成王之風使是書獲
陳于前則所以啟發天聰緝熙聖德者何可勝
既窮閭下士雖無階可以自進然夜光明月之
珍蘊藏山海終有不可揜者安知侍從蕃宣之
彥無以是聞于上者乎君逮事正獻公得其家
學既又出從賢士大夫游以博其見聞故於是
書斟酌損益皆有條理非安危所繫則畧而弗
書其志固將有補於世非徒區區事記覽而已
也君嘗與計偕繼游天子之學今以累舉恩當

對大廷不願就獨朝夕矻矻于此既積十餘年
之力纂而成之又將次及于中興之後問四方
之士可與商推者不憚千百里橐其書而從之
忘其道涂之難騶旅之苦也此其用志豈世俗
所可量哉迂愚不敏竊獨嘉之故爲之述如此
若書之凡例則君列之篇端矣故不復云紹定
二年三月辛卯建安眞德秀謹書

平甫與余游從廿年矣足不出書室口不及世
事利害得喪不足以動其心師友淵源蓋得所
漸孜孜爲學未見其止也一日告余曰我朝祖

功宗德相業臣謨惟長編一書包括無遺本末
可考但浩如烟海學者莫知涯涘僕之鈍尤不
能強記欲纂作二書一舉其要一備其目事之
相聯屬者亦或互見參稽國史出入諸書訂其
異以會其同約其詳而補其畧庶幾文公朱先
生所修通鑑綱目之意而非敢僭以自比焉此
書幸成則得以私便誦記不敢外示也積年而
書成余與二三同志先得觀之傳示寢廣人各
欲得其書而力不能錄遂相與鋟木願友朋其
之非平甫志也平甫從容語余而色不懌余應

之曰祖宗以仁厚得民以紀綱立國如前代閭
寺女寵外戚強臣與夫大刑戮之事悉杜其微
而窒其源聖子神孫世守弗失蓋將與典謨並
行此其澤在斯人法垂後世爲君者而得是書
則可以彌綸天道扶植人紀爲臣者而得是書
則可以寅亮天工輔成君德況予之所纂舉宏
撮要在幾務之錄尤便省覽予其能終祕之而
私爲衡茅書生記誦之具乎平甫曰不敢遂書
於其后紹定己丑中秋長樂鄭性之書

國史尙矣太祖太宗眞宗爲三朝仁宗英宗爲

兩朝神哲徽欽四宗爲四朝史用班馬體非一世一有司所能就也續通鑑長編稽國史倣溫公通之左氏則眉山李氏專其家間有提綱挈領之書書未之見今所見者太學生莆陽陳均爲之名曰皇朝編年舉要備要其取類博其收功精夫紀事之約未易言也孔子序書及筆削春秋嚴矣司馬溫公雖未爲本朝通鑑先爲稽古錄祖春秋意亦本朝史籍之綱也此書又取司馬氏之綱而時有修飾取李氏之目而頗加節文且網羅天下放失舊聞質之鉅工中爲衡

度以裨金匱石室之藏日昃清問乙夜觀書庶
幾有取焉是於昭代史學不其多益乎我國家
超越漢唐比方虞周者以仁立本也若乃陰陽
之消長君子小人之進退前事不忘後事之師
者一公旣言之茲不贅云紹定二年冬十一月
日南至朝議大夫直敷文閣新知漳州林岳敬
書

案每葉十六行每行大十六字小二十四字編
年下有空字二格列目止于廿五卷後別爲一
行云已後五卷見成出售卽百宋一厘賦中所

謂莆田編年始末九朝者也

皇朝編年備要二十五卷補刊編年備要五卷影寫宋刊本

宋壺山陳均編

自序

真德秀序

鄭性之序

林岳序

續宋中興編年資治通鑑十五卷元刊本

宋通直郎戶部架閣國史實錄院檢討兼編修

官劉時舉撰 目錄後有陳氏餘慶堂刊六字
無名氏跋曰是編繫年有考據載事有本末增
入諸儒 議三復校正一新刊行宋朝中興自
高宗至于宣宗四朝政治之得失國勢之安危
一開卷閱瞭然在目矣幸鑒

案是書元時有兩刊一爲張氏日新堂一爲陳
氏餘慶堂此則陳氏刊也每葉二十六行每行
二十二字

續宋中興編年資治通鑑十五卷

影寫元刊本

宋通直郎戶部架閣國史實錄院檢討兼編修

官劉時舉撰

黃氏手跋曰余向收得舊抄殘本係郡中柱國坊王氏物既而借海昌吳兔牀家抄本是正又借坊間元刻本校之校未終取去因又借香嚴書屋藏抄本參校復經兔牀嗣君蘇閣手校正可云盡善矣去春有蕭山人來吳作寓公者意欲予手校本適屆新正囊中羞澁聊藉此沾潤易得番餅十枚然時時念及輒又惋惜適香嚴本亦欲贈人作介者仍以示余余必欲得既去之本手校方敢留之蓋前此借校知中多闕失

恐無別本參校無以卒讀作介者許借元刻備校因復收之歲暮校始有事卽止越歲初至二月望前二日始竣事是本所據亦佳中有校改處元刻不逮者爰知元本非一刻蓋有勝於今所見者矣元本出楓江草堂朱氏亦長與人而僑吳者予前校此書已曾借過今復通假深感主人之德并謝作介之惠校畢復初氏識道光乙酉花朝後一日書於見復居

又曰自甲申殘歲校始至乙酉新年作輟靡常越二十日訖此七卷時春雪大下曉寒逼人牕

外山茶花紅英點白佳致嫣然亦可自愛惜山
僧招我探梅不能作鴈橋驢背上人恐詩思亦
復澁耳復初氏書于百宋一廬之南牕

續宋中興編年資治通鑑十五卷

影寫元刊本
黃蕘圃舊藏

宋通直郎戶部架閣國史實錄院檢討兼編修
官劉時舉撰

靖康要錄十六卷

舊抄本

不著撰人名氏

西漢年紀三十卷

文淵閣傳抄本

朱王益之撰

自序

王觀之序

中興兩朝編年綱目十八卷

影寫宋刊本

不刊撰次名氏

張氏金吾藏書志曰起於建炎之元年訖於消
熙十七年體例與皇朝編年備要同蓋以續陳
氏書也南宋編年之書高宗一朝有中興小紀
繫年要錄十朝綱要年經月緯紀載詳核孝宗
一朝則自劉時舉續資治通鑑宋史全文外別
無專書是書紀高孝兩朝之事宏綱細目視劉

時舉所載加詳宋史全文則卽以是書爲藍本
考孝宗一朝之政治者是書其較備歟文淵閣
書目著錄

續編兩朝綱目備要十六卷

影寫宋刊本

不著撰人名氏

張氏金吾曰中遇昀字側注御名蓋理宗時人
所撰也紀光寧兩朝之事以續中興兩朝編年
綱目體例款式均與前二書同蓋係宋時合刻
者 四庫全書著錄本從永樂大典錄出此則
原本也

宋季三朝政要五卷附錄廣王本末一卷

元刊本

不著撰人名氏廣王本末陳仲微錄

目前有陳氏餘慶堂刊一行後有皇慶壬子一行理宗國史載之過北無復可致今將理度兩朝聖政及幼主本末纂集成書以備宅日史官之採擇云

陳仲微咸淳爲侍左郎官以言事切直罷乙亥除兵部侍郎修國史丙子從二王入廣目擊當時之事逐日抄錄崖山敗流落安南臨歿有詩曰死爲異國他鄉鬼生是江南直諫臣安南國

主以詩挽之曰痛江南老鉅卿春風搵淚爲傷
情無端天上編年月不管人間有死生萬疊白
雲遮故國一堆黃壤覆香名回天力量隨流水
流水灘頭其不平壬午歲安南國使入覲因言
仲微之事而得仲微所著二王首末重加編次
以廣其傳

宋季三朝政要五卷附廣王本末一卷

舊抄本
黃堯圃校

不著撰人名氏

廣王本末宋陳仲微錄

宋史全文續資治通鑑三十六卷附宋季朝事實二

卷

明天順刊本

不著撰人名氏

卷首題豐城游大昇校正宋

李朝事實載度宗少帝益廣二王事迹

李燾進續資治通鑑長編表

宋史通鑑一書見刊行者節畧太甚讀者不無
遺恨焉本堂今得善本乃名公所編者前宋已
盛行於世今再綉諸梓與天下士大夫共之誠
爲有用之書回視他本大有逕庭具眼者必蒙
賞音幸鑑

案游大昇名明正統進士儀顧堂集有跋

前宋樓藏書志卷二十二

存齋雜纂之六

歸安陸心源剛甫編

史部

編年類三

通鑑前編十八卷舉要三卷

九刊元印本

宋金履祥編

許謙序 天歷元年

進通鑑前編表

自序

按此元刊元印本未有門人御史臺都事汝南

郭炯校正門人金華許謙校正二行每頁二十
行每行二十二字小字雙行版心有字數及刻
工姓名

通鑑續編二十四卷

元刊元印本

元陳澧題

史學尙矣紀事肇於書編年朔於春秋具載類
分昉於遷記而歷代則之各有全書簡而核春
秋正而嚴諸史博而該宋司馬文正公睹諸史
之汗漫而有國家者不能以盡究而勸戒也編
緝全帙研稽事寔慎撮機要銓次年月自周威

烈王二十三年訖于五代自成一書名之曰資
治通鑑文公子朱子取其成書芟繁釐枉一以
春秋爲法書年以正統書事以提綱又疏其詳
而目之猶夫三傳之敘列也名之曰通鑑綱目
於是天統以明人紀以修尊卑高下之分剛柔
善惡之別昭乎萬世矣然而前乎威烈者未有
編次後乎五代者未有論述前曠後缺疑信厖
昧君子病之近世浙東大儒金仁山氏由威烈
王而上溯其年代始陶唐氏悉本諸書名曰通
鑑前編而陶唐之前茫焉四明陳君桎子經甫

世其史學尊承先志纂輯前聞凡方冊所載若
盤古氏至高辛氏考紀其概爲第一卷以冠金
氏之所述又撫契丹遼氏建國之始並于五代
爲第二卷宋有國三百二十年爲二十一卷其
建號也系于甲子逮太平興國四年混一中原
始大書其年代爲正統至國亡止而遼金之事
附見之一以通鑑綱目爲法蓋地有偏全而統
無偏全勢有強弱而分無強弱摠之爲卷二十
有四名之曰通鑑續編是編也不惟續其前人
之業成一家之言是有以繼夫朱子之志爲萬

世之計矣有志於史學者誠能以朱子通鑑綱目爲主取金氏之前編暨陳氏之續編合而觀之則自開闢以來厯三皇五帝夏商周秦漢晉隋唐宋至于今上下數千年治亂興廢之迹洞澈無間如岷江之流達于東海崑崙之氣貫于五岳也扶陽抑陰之道陳善閉邪之義皆隱然見於書法其於名教豈小補哉曩予爲太史時詔修宋遼金三史與待制王理輩首議統紀不合私於避忌者從而和之如出一口予遂移疾力辭不就其書雖成布在人間而公論有所不

可掩者乎子經論著殆與予合豈可謂世無其人哉子經是編旣成兵難大作幾不能生事定而其橐幸存若神明祐之者積歲苦貧不能脫橐今行中書省賓佐海陵馬君玉麟國瑞甫好古君子也令長洲時訪子經得其橐以祿米致筆札飲食之資聚諸生之能書者編錄之始成全書焉松江貳守昭陽顧君逖思邈甫將鐫梓以廣其傳請予序之噫此予同志也又將奚辭嘗聞元公周子之言曰聖希天賢希聖士希賢夫孔子之春秋希天也朱子之綱目希聖也陳

氏之續編希賢也與人爲善二君有焉子經之
大父諱著字子微宋秘監知台州精於史學晚
歲隱居撰歷代紀統以淑子弟父諱祕字汝泉
嘗爲校官有名又傳注紀統千百言至子經蓋
三世矣子弱冠客杭與汝泉友善今觀子經所
成如此使人歎羨不已子經又嘗集前代事跡
爲筆記百卷與此互相發明其續學討論非一
日夫子所謂焉知來者之不如今也不其諒哉
是爲序至正廿一年歲在辛丑孟夏鄱陽周伯

琦伯溫書

朱司馬文正公編次資治通鑑斷自周威烈王
訖于五代其旨微矣考亭朱夫子因通鑑舊文
別以義列爲綱目以正伯王之大統由是千三
百六十二年理亂廢興之跡世儒所嘗論議而
不能無異者至是而後有以折其衷此作者之
事學者所宜世守而勿失者也近世東陽金先
生病劉氏外紀之不本於經而是非或繆於聖
人乃攬撫通鑑以前由威烈王上至于唐堯者
纂爲前編出入經史百氏而一以尙書爲主其
事著矣若夫盤古以下逮于高辛述作之家類

以爲世遠而難言然百家所記豈無近理而可
徵者乎五代而降宋三百年度越漢唐而其世
運有盛衰夷夏有消長帝王將相禮樂刑政有
得有失此後之君子所宜執筆而爲之論著者
也然非貫穿古今不足以涉羣籍之涯非摠括
机要不足以綜萬事之統非深造義理之微不
足以識是非之正此吾友陳君子經續編之作
所以爲不苟也蓋子經之先大父秘監公以宋
遺老隱居四明山中嘗推崇綱目著書以紀歷
代之統其先君子教授表章家學訓釋惟謹子

經束髮受是書卽知先志所屬嘗申以爲圖傳
諸同志且敷爲筆記一百卷藏于家矣今又上
論盤古逮于高辛下據三世會于有宋或近理
而有徵或損繁以致約前乎唐堯者既有以補
其未備後乎五代者又有以嗣其方來比事於
通鑑較義於綱目斟酌前編而不必苟同至於
尊正統以定萬世之大分則考亭夫子之特筆
秘監府君之遺意子經父子世守而弗敢失焉
者也其攷覆之精取舍之審固非區區謏聞者
所能盡識然舉其一而其餘者可以類見昔司

馬遷論太史公所次舊聞後世稱爲良史子經
此編豈非師古人而明先志乎傳之學者當與
前編並存然則序而歸之以俟知者余固不得
以苟讓爲也至正十八年三月甲子臨海陳基
序

甚矣史學之難也史之爲體不有以本乎經則
不足以成一家之言史之爲言不有以補乎經
則不足以爲一代之制故太史公之書其體本
乎書司馬公之書其體本乎左氏朱子之綱目
其體本乎春秋杜佑之通典其體本乎周禮惟

易詩之體未有得之者而韓詩外傳演詩邵子
經世書演易亦可謂傑出矣然史遷之書其法
言名論散在書志與左氏相頡頏而經世之學
可以羽翼六經者則又非諸子之敢比也宋賢
祐進士祕監知台州陳公子微晚居四明山中
以史學名著歷代統紀傳於家至孫經字子經
始推其志上敘盤古三皇五帝之槩以冠夫司
馬氏之書之首下述遼金與宋之詳以續司馬
氏之書之後所以合史漢通鑑外紀前編諸書
爲一家使觀者自開闢以至宋末數千載之事

一覽無遺述史者未有若是之詳且盡者其績可謂勞至正壬辰余居廣陵始識子經於逆旅主人蕭條一室庾木榻北牖下書滿案字若蠅皆手親書子經佔畢其中率然膏以繼晷汲汲乎若有求而弗得也翕翕乎若有失而弗知所求也後余避兵齊魯與子經相失十年當辛丑之十月復會吳中而其書適成因得詳觀焉其凡以爲宋自建隆至太平興國四年無異於五代故但以甲子書四年已後方繫之統以比漢唐遼金繫年宋統之下以比吳魏之於蜀數簡

之中大義凜然其紀年司馬氏之補遺也而不敢自謂之補遺書法紫陽先生之綱目也而不敢自擬於綱目故題之曰通鑑續編其體蓋亦本於春秋者因憶曩時朝廷纂修三史一時士論雖知宋爲正統物議以宋勝國而疑之史臣王理因著三史正統論推明修端之言欲以遼爲北史金亦爲北史宋自太祖至靖康爲宋史建炎以後爲南宋史其言專其論力朝廷亦未之從而卒爲三國立史正統卒不能定至今士大夫士雖以爲慊然終未有能持至當一定之論

以驅天下百世之惑者愚嘗竊謂李唐篡而朱
梁興郭周篡而趙宋立趙宋滅而本朝混一則
本朝所繼者趙宋之統也本朝所繼者趙宋之
統則遼金與宋輕重可見矣或曰本朝繼趙宋
之統矣宋承五代之統乎曰宋篡周周篡漢漢
代晉晉篡後唐後唐滅梁梁篡唐斯時遼金角
立北方天下副裂五代不得爲統也或曰然則
宋承遼金之統乎曰遼乘梁篡而起於北方不
過保有燕雲金雖破遼克宋而建炎中興人心
未厭遼金亦不得爲統也或曰然則宋繼何統

乎曰宋繼唐統者也唐正統也唐以下遼金爲
北史五代爲南史斯時爲無統至宋太平興國
四年滅漢之後天下混一斯時爲有統亦猶晉
之後南北爲無統至隋唐而爲有統耳故唐之
有遼猶晉之有元魏也唐之有五代猶晉之有
宋齊梁陳也唐之統中絕而至宋猶晉之統中
絕而至隋唐也然則宋之統所謂跨五代軼遼
金而躋漢唐者也子經之書自唐而後五代遼
金皆爲無統至太平興國四年而後有統蓋得
其說矣是可以驅天下百世之惑矣但恨子經

不與史事於當時不得持此論於朝而使三史
有憾於後也雖然子經之書得與三史並行於
世亦可謂無愧於心矣書廿四卷盤古至高辛
爲一卷契丹建國之始合五代爲一卷宋爲二
十二卷齊郡張紳爲之敘至正廿二年歲次壬
寅二月旣望叢桂堂書

余讀歷代史輯事之大者爲筆記百卷或見之
曰子之志勤矣然周威烈王而下至于宋興其
取舍之審有逾于司馬公資治通鑑者乎況朱
子綱目筆削之慎耶近而至于唐堯則金先生

前編方爲世所重子書無乃復乎余曰吾備吾
繙閱而已豈覬與諸書並傳哉雖然盤古至高
辛傳疑之言近理有徵者不可不知也契丹因
俗慕華其國所志者不可不存也宋三百年之
治亂興亡新史繙而寡要觀者思約而未得也
吾不易舊文直書見義彷彿通鑑而規模綱目
述近理而刪繙辭使志學之士開卷而上下數
千年之事得以概見可乎曰此則是也乃取筆
記盤古至高辛爲通鑑世編一卷唐天復至周
亡遼夏初事爲通鑑外編一卷宋有國至歸于

大元爲通鑑新編廿二卷摠之爲廿四卷合名
曰通鑑續編惟其不敢取前編綱目二書以入
其中故於世編之末則舉厯代有國之先後以
見意焉其謂之續者取連續之義耳若曰續先
儒之筆竊褒貶之旨則非知我者矣至正十年
歲在庚寅夏六月甲子四明陳極題

案此元刊元印本每頁十八行每行二十二字
小字雙行版心有刻工姓名卷中有敬德堂圖
書記朱文方印構李項氏寶書齋圖書記朱文
長印

大事記續編七十七卷 明成化刊本

明金華王禕子充著

元史續編十六卷 明永樂刊本

明會稽後學胡粹中評纂

自序 永樂癸未

紀事本末類

通鑑紀事本末殘本二十九卷 宋刊細字本 徐虹序舊藏

宋建安袁樞編

類書之作蓋以便觀覽便檢閱而已而士子遂謂場屋之計可取具於類書而涉獵淹貫之學

日以不足以便而媒其怠非類書本意也溫公
通鑑之作上下千餘載治亂興亡之蹟約而爲
二百九十卷蓋以便乙夜之覽博古君子豈當
求便於此是書又隨事撫其本末而類之蓋猶
懼學者以通鑑爲汗漫讀之而莫得其統也袁
公惠後學之意深矣學者能因本末而詳之於
通鑑因通鑑而博極於羣書庶無負袁公類聚
之旨不然因便以滋怠袁公將有遺憾於是書
矣是書刊于淳熙乙未修于端平甲午重修于
淳祐丙午云季夏立秋日東陽章大醇景孟書

待省進士州學直學兼鈞臺書院講書胡自得
掌工承直郎差充嚴州州學教授章士元董局
按此紀事本末初刊祖本存卷一至卷五卷十
一至十四卷十九至二十七卷三十一至四十
二每頁二十六行每行二十五字版心有字數
及刻工姓名朱諱皆缺末筆相改作亘有吳江
徐氏記事朱文長印汪士鍾白文長印

通鑑紀事本末四十二卷

宋寶祐刊本 孫淵如舊藏

宋建安袁樞編

初予與子袁子同爲太學官子袁子錄也予博

士也志同志行同行言同言也後一年子袁子
分教嚴陵後一年子出守臨漳相見於嚴陵相
勞苦相樂且相憐以學子袁子因出書一編蓋
通鑑之本末也予讀之大抵舉事之成以後於
其萌提事之微以先於其明其情匿而泄其故
悉而約其作窳而極其究遐而邇其於治亂存
亡蓋病之源醫之方也予每讀通鑑之書見事
之肇於斯則惜其事之不竟於斯蓋事以年隔
年以事析遭其初莫釋其終攬其終莫志其初
如山之峩如海之茫蓋編年繫日其體然也今

讀子袁子此書如生乎其時親見乎其事使人
喜使人悲使人鼓舞未既而繼之以歎且泣也
嗟乎由周秦以來曰諸侯曰大盜曰女主曰外
戚曰宦官曰權臣曰夷狄曰藩鎮國之病亦不
一矣而其源不一哉蓋安史之亂則林甫之爲
也藩鎮之亂則令孜之爲也其源不一哉得其
病之源則得其醫之方矣此書是也有國者不
可以無此書前有姦而不察後有邪而不悟學
者不可以無此書進有行而無微退有蓄而無
宗此書也其入通鑑之戶歟雖然觀人之病戚

人之病理人之病得人之病而人於身之不憚
焉不諱焉不醫之距焉不醫而繆其醫焉古亦
稀矣彼聞而此昭宜也切於人紓於身可哀也
夫淳熙元年三月戊子廬陵楊萬里敘

通鑑一書於治道最切實諸史之精華百代之
龜鏡古未有也神宗皇帝深所愛重錫資治之
嘉名且命經筵進讀歷朝寶之永以爲訓近世
建安袁公復作紀事本末區別條流各從其類
豈求加於通鑑之外哉蓋通鑑以編年爲宗本
末以比事爲體編年則雖一事而歲月遼隔比

事則雖果載而脈絡貫聯故讀通鑑者如登高
山泛巨海未易遽覩其津涯得本末而閱之則
根幹枝葉繩繩相生不待反覆它卷而瞭然在
目中矣故本末者通鑑之戶牖也袁公之爲是
書其殆司馬文正之疏附先後也歟與懿淳祐
壬子退而里居四年之閒熟得緝閱每見世道
開泰君明臣良百度修舉四裔賓服使人忻悅
愛慕至若叔世末造賢愚倒植綱頽紐解外阻
內訌使人感憤歎息要其指歸治未始不由於
任君子亂未始不由於親小人安未始不由於

固民心危未始不由於困民力忠實事上者未
有不昌姦諛欺君者未有不亡公廉宏濟者奕
世流芳貪刻暴殄者子孫貽殃天道人事其應
靡忒參稽源委可以昭勸戒於方來是書之關
於世教亦大矣嚴陵舊本字小且訛乃易爲大
書精加讐校以私錢重刊之非特便老眼訓子
弟庶與四方朋友共之云寶祐丁巳秋七月朔
古汴趙與憲謹書

案此寶祐重刊本其版明時尙存此猶明以前
印本每頁二十二行每行十九字版心有刻工

姓名卷首有東吾觀察使者孫星衍印白文兩

方印

皇朝通鑑長編紀事本末一百五十卷

舊抄本

大興縣志

皇朝紀事本末寶祐元年直徽猷閣謝侯守廬陵始以家藏本刊於郡齋侯既去予從郡學見之借授貢士徐君琬傳錄徐以郡本不可復得有意轉刊於家或謂卷帙繁多宜作節本予亟止之曰史未易節也前代史尙難之況國朝節史近於筆削倘不知史法而容易措手則去留

失宜首尾不備使讀者憮然此與斷編闕帙何
異史館遴選尙不敢苟而私家新學見史輒節
非予所敢知也徐君幸從予言而止刊旣就以
示予覆讀則頗疑其閒多所舛訛蓋前此郡齋
所刊匆匆未及點對而侯已去殊爲可惜近有
得大字蜀本者予復借與數友參校乃知郡本
固自多誤蜀本誤亦不免再質之於續通鑑長
編尋其本文初意而後敢以爲安所校正不翅
千數百字然亦唯有誤則據本正之倘無可據
雖一字不敢輒增損也工告畢爲識其所自五

年歲在丁巳十月望廬陵歐陽守道謹書

張氏金吾曰仲良之名不見于書中案玉海云
楊仲良爲長編紀事本末一百五十卷陳均皇
朝編年備要引用書目有楊公仲良長編紀事
本末則此書爲仲良所作無疑是書以李氏長
編分類編次每類中仍以編年紀事原委備具
繁簡得中洵可與長編相輔而行且長編徵欽
兩朝皆已闕佚藉此得考見崖畧尤可寶貴季
滄葦徐健菴書目俱著錄徐目云闕卷一百十
四至一百十九此本蓋從徐氏藏本傳寫者除

原闕外又闕五六七三卷暨卷八上半卷

三朝北盟會編二百五十卷

舊抄本

馬笏齋舊藏

宋朝散大夫充荆湖北路安撫司參議官賜緋

魚袋臣徐夢莘編集

徐夢莘序

紹興五年

蜀鑑十卷

明刊本

惠紅豆舊藏

宋邵允文

蜀在禹貢一梁州爾文王興於岐西而從武王
牧野之師者乃庸蜀羌豳微盧彭濮人說者謂
文王化行江漢之所被信矣三代以來秦得蜀

以并諸侯漢高由蜀漢以定三秦諸葛孔明三分天下僅有其一而伸大義於季漢非以其地西接峭面南連荆吳扼關河之勝則爲天府之固合吳蜀之長則據上流之重險要雖控制一隅而形勝實關於天下歟中興南渡首吳尾蜀有常山之勢前褒後劍得金城之險乃眷西顧護蜀如頭目保蜀如元氣世歷百年藏經三卯外有虎噬之虞內懷頽勢之憂而蜀之爲蜀非全盛時比矣文子久仕於蜀身履目擊而動心焉燕居深念紬繹前聞因俾資中郎允蹈緝爲

一編起自秦取南鄭迄于王師平孟昶凡地形之扼塞山川之險阻邇雍而隣荆者稽之舊史按之圖志悉紀於篇西南夷爲蜀後戶未形之憂難忽而已事之鑒可師則又條其本末而附之閒又論其得失之要者定爲十卷凡千三百年蜀事之大凡亦可以概見於此噫蜀在宇內九之一爾得之則安失之則危竊之則亡覽是書者可以鑒焉因名曰蜀鑒雲端平三年十月朔旦昭武李文子序

余與資中士友鄣允蹈居仁既爲蜀鑑一編使

凡仕蜀者知古今成敗興衰治亂之蹟以爲龜鑑其事備矣復取大易習坎設險之義與孟軻氏天時地利人和之說吳起在德不在險之對以附諸編末蓋山川有自然之險而仁義不足以維持之則險非其險矣夫乾天下之至健也德行常易以知險夫坤天下之至順也德行常簡以知阻易簡之中險阻伏焉易簡者何仁義是也故至仁有不仁至義有不義夫能以仁義治其國者國必昌不能以仁義治其國者國必亡是道也推之以保四海可也豈特區區一隅

之蜀哉荀卿子曰齊之拔擊不可以遇魏之武
卒魏之武卒不可以遇秦之銳士秦之銳士不
可以當威文之節制威文之節制不可以敵湯
武之仁義眞知言哉嘉熙丁酉重五日文子謹
跋

昔蕭何入秦丞相府獨收秦圖書備知天下阨
塞戶口多少強弱處乃用以相漢益信周官訓
方形方等官之設其意爲有在矣余向帥江陵
鄣湛溪仕蜀而出遂爲江陵寓公每語予以蜀
事而不知其著此書也後十餘年蜀道洶洶余

自邇列出鎮長沙名爲託裏而其子涉出示此
書於是澹溪卽世亦幾十年矣嗟呼楊雄旣沒
而法言乃行今蜀事如許此書之出豈不足爲
經理恢拓者之助乎涓貼五年八月某日古郢
別口跋

黃氏手跋曰蜀鑑一書向少傳本家中所儲有
張充之青芝子手抄者昨歲五柳主人以殘刻本

見遺缺首二卷楮墨古雅洵爲舊刻卷端有紅
豆書屋印因檢惠氏百歲堂藏書目於史部云

蜀鑑十卷

李文子刻

元槧知爲松厓先生家藏本惜所

缺無由補全。心甚悵快。後顧子千里歸江寧。爲予言伊師張白華先生家有此刻。遂丐歸影抄。足之前有方正學序。是明初板矣。爰誌數語于卷首。而重裝之。丁卯孟夏四日。復翁識。

蜀鑑十卷

明刊本

宋邵允蹈撰

李文子序

端平三年

李文子跋

別口跋

方孝孺序

壘山主人佳屑跋

嘉靖己卯

蜀漢本末二卷

舊抄本

元趙居信集錄

某氏序曰事固有晦塞於一時而較著于後世者時之人以爲貴後之論者或賤之私媚者之所毀大賢君子或尊之蓋愛惡取舍出乎恆情者或汨于流俗之見或眩于強弱之勢或以事功成敗爲賢否是以往往不能合乎大公及夫時世遠而愛惡銷大賢君子作而正論起鄙夫憊人鬼陋鬼瑣之說譬如白日出而魑魅亡嚴

霜降而蛭虺蟄自無所容天地之間而是非正
僞粲然照布于萬世是豈人爲也哉斯理之在
人心窮宇宙而不可磨滅者天之道也天道必
久而後定固有必然者矣當東漢之季曹操以
螟蟲之志陰賊國命而竊其權默授其子俾行
僭奪其爲事至穢其爲跡至暴當是之時昭烈
孔明以雄才大義引旣絕之緒而續之有汎掃
海宇攘除姦凶之心使漢祚未訖昭烈優于光
武而孔明之英傑豈止致主於一漢之隆而已
哉固將紹三代遺統巍乎軼百王之表而未知

所止者也彼陳壽不足以識之顧扶彼而抑此
義夫志士爲之憤鬱者數百歲及子朱子出而
筆削綱目之書然後有以合乎天道而當乎人
心正統尊而僭亂 有功於人極甚大近世信
都趙氏復因而取自昭烈之生以至帝禪之亡
若干年之事廣其未備之文參其志當之論別
爲一書

至元戊子之姦亡友嵩東何 從政 彥達始示予

以通鑑綱目且謂大義數十炳如日星如漢繼
昭烈唐斥武后肩楊雄爲莽大夫謂陶潛曰晉

處士居信從而讀之不勝服遂述蜀漢本末論
以見欽贊之意歲辛卯年集諸儒精義于柏林
書院欲綴鄙論于紙尾竟以元稿不存而止延
祐甲寅鄉大夫竹軒先生曹彥謙子和之子深
出是編于厥家乃其父手書者蓋求之弗獲兩
紀于斯矣今且序編摩之始復得合而成之似
非偶因記其曲折于卷末云上元日信都趙居
信謹識

漢始于高帝中興于光武終于靈獻炎祚息矣
昭烈以中山後起西蜀而得諸葛武侯爲之佐

雖崎嶇一隅而天下思漢之心尤有望于斯也
傳及帝禪將星墜營大業弗復庸非天子乎晉
史帝魏寇蜀倖已甚矣紫陽朱夫子通鑑綱目
之作而大義始正東溪趙先生蜀漢本末之作
而公論愈明是則本末當與綱目並于世歲已
丑先生之嗣子總管趙公來守建郡出是書以
示其學者可以謂善繼志矣 君復 伏讀敬嘆因
請壽諸梓以廣其傳欲使後之覽者知正統之
有在其于世道豈小補哉告至正辛卯二月建
寧路建安書院山長晚學黃君復再拜謹書

安南棄守始末一卷

舊抄本

不著撰人名氏

吳氏手跋曰是書僅見於絳雲樓書目己亥春
日借甫里嚴蔚本命館童抄錄惜未得安南國
志一證之也五月十又二日枚菴識

又曰是歲十月二日雨閱一過改正錯簡一葉
枚菴

南宋樓藏書志卷二十二